

## **Pir KREMER**

### **EIST LAND**

Minettskoppen, Ginsebieger,  
sonnduerchglousste Riewenhäng.  
Fielsechlässer, Ritterbuergen,  
däischer Kasemattégäng.  
Festungstirem, Risebrécken,  
friddlech Dierfer, propper Stied.  
Knubblig Stroossen, heemlech Weeër,  
enk a wëllromantesch Pied.  
Einfach Mënschen, freedeg Fester,  
Quetschendrëppen, Muselwäin.  
Kille Béier, defteg Mäifel,  
an dat Hënescht vun dem Schwäin.

Grouss Geschäfte, nei Gebäier,  
Banken, wou der gitt a stitt.  
Autobunnen, Musterschoulen,  
an am All e Satellit.  
Aalt Gemäier, nei Fassaden,  
bal op jidder Eck e Gruef.  
Zackeg Pompjee'n, lëschtég Sänger,  
eng flott Musek an all Duerf.  
Festivallen, Baurekiermes,  
D'Schuberfouer an d'Mumm Séiss.  
Gaardebounen, Fierkelsjelli  
an eng Jatte gekachte Kéis.